

# INATSIARTUT OQARTUSSAAQATAANERLU

Inatsisartutigoortumik innuttaasut  
oqartusaaqataaneratt pillugu

- inuusuttunut





# SIULEQUT

Imerusaatinik qiimmassaatitalinnik inerteqquteqarsinnaaneq pillugu oqaluttuaaraq massakkut atuassavat. Ilaat isumaqarput imerusaatit qiimmassaatitalit peqqissutsimut ulorianaateqartut, taamaattumillu 18-it inorlugit ukiulinnut tuniniagaasariaqanngitsut, allalli isumaqartut kialuunniit nammineq aalajangissagaa sunik imerusunnerluni.

Inatsisartutigoortumik innuttaasut oqartussaaqataanerat qanoq isumaqarnerisooq Inatsisartoqarnermillu aaqqissuussineq nunatsinni qanoq ingerlasarnerisooq oqaluttuaq aqqutigalugu ilinnut oqaluttuarineqarput. Inatsisartut 2011-mi aamma 2012-imi isumaqatigiinniarnermik piviusumik ingerlatsinerat annikitsumik allanngortillugu oqaluttuarineqarpoq.



Oqaluttuaq filminngorlugu ugguuna aamma takusinnaavat:

[www.ina.gl/inuusuttut](http://www.ina.gl/inuusuttut)

Inatsisartut Allattoqarfiannit saqqummersinneqartoq  
Januar 2013-imeersoq januar 2015-imilu nutartigaq


Titartakkat: Christian Rex, Deluxus Studio

Inatsisartut Allattoqarfiat · Postboks 1060 · 3900 Nuuk  
[inatsisartut@inatsisartut.gl](mailto:inatsisartut@inatsisartut.gl) · [www.inatsisartut.gl](http://www.inatsisartut.gl)







# INATSIARTUT NAALAKKERSUISULLU



Tassa aajuku Namminersolutik Oqartussat, Inatsisartut Naalakkersuisullu Nuummi inissimaffimmini. Taaku aamma qinikkat Inatsisartuni Naalakkersuisunilu sulisut suliffigaat.



Soorli taamaat-  
toqarpugut?  
Sorpiaammita  
suliarisarpaat?




# IMERUERSAATIT QIIMMASSAATITALLIT PILLUGIT AJORNARTORSIUT


Imeruersaatit qiimmassaatitalit pillugit ajornartorsiut Inatsisartut qanoq sulisarnerannut assersuusiutitut qimerluulaariartigu.



Innuttaasut ingammillu inuusuttut 18-it inorlugit ukiullit akor-nanni taamak amerlatigisut imeruersaatinik qiimmassaatitalinnik mamarisaqarnerat nunap ilaani innuttaasunit isumakulunnar-toqartinneqarpoq.



Nunatsinni ajornartorsiutit isummallu assigiinngisitaartut oqallisiginiarlugit inuiaqatigiinni innuttaasut tamaasa ataatsimut katersortarnissaat ajornarpoq. Taamaattumik innuttaasut sinniissaminnik qinersisarput, piukkussaminnik ajornartorsiutinik aqqiisinnaasutut.




## INATSISARTUNUT QINERSINEQ




Ukiut sisamakkaarlugit nunatsinni innuttaasut qinersinnaasut tamarmik – tassa danskisut innuttaassuseqartut 18-ileereersimasut tamarmik, nunatsinnilu sivikinnerpaamik ukiup affaani najugaqareersut – Inatsisartunut qinersinermut peqataanissamut periarfissaqarput. Naalakkersuinemik suliallit qinerneqartut ukiunut tullernut sisamanut Inatsisartunut ilaasortaassapput. Tamanna ilaatigut ersersinneqarpoq taaguummi "demokrati"-mi – taannami isumaqarpiarmat "innuttaasut aqutseqataanerat".

Qinersinerit nalinginnaasuupput, tassa tamarmik peqataasinnaatitaallutik. Qinersinerit naligiissuupput, tassa innuttaasumik tamarmik assigiimik sunniuteqarsinnaallutik. Qinersinerit isersortuupput, tassa nakkutigineqarani allat qanoq taasinersut. Inuit 18-ileereersimasut, nunatsinni sivikinnerpaamik qaammatini arfinillini najugaqarsimasut partiilu akuerisaasoq sinnerlugu, kisimiittutut allanilluunniit kattusseqateqarluni qinigassanngortittut qinerneqarsinnaapput.








# INATSIARTUNUT ILAASORTAT NUULIARNERAT INATSIARTUT UKIUAT AALLARTIPPOQ



Tamanna pereeraangat Inatsisartut ukiakkut ataatsimiittarput qaammatit marluk pingasulluunniit missaannik sivisussuseqartartumik. Tamatuma saniatigut upernaakkut ataatsimiittoqartarpoq sapaatit akunnerisa arfinillit missaannik sivisussuseqartartumik.







# INATSISARTUT OQALLINNERAT AALAJANGERSI-MASUNIK MALITTARISASSAQARPOQ




Ataatsimiinnerit Inatsisartut siulittaasuannit aqunneqartarput.

Ilaasortat Inatsisartut ataatsimiittarfianni aalajangersimasumik issiaveqartinneqartarput: Oqaluttarfiup akiani issiavinni saarlerni marlunni Naalackersuisut issiasarput. Naalackersuisuusut partiivisa ilaasortaat ataatsimoorlutik issiasarput, illuatungiliuttullu ilaasortaat Inatsisartut ataatsimiittarfianni tunorlerni issiasarlutik.







Maleruagassat aalajangersimasut malillugit Inatsisartut ataatsimiittarfianni oqallinneq ingerlanneqartarpoq. Inatsisartut suleriaaseqarput, tassanilu Inatsisartut ataatsimiinnerisa qanoq ingerlanneqartarnissaat aalajangersarneqarluni.




Ilaasortat assigiimmik periarfissaqarnissaat Inatsisartulluaalajangiisinnaassuseqarnissaat qulakkeerumallugu suleriaatsip malinneqarnissaa pingaaruteqarpoq.




# OQAATSIT "PARLAMENT" AAMMA "INATSIARTUT" QANORPIAQ ISUMAQARPAT?

"Parlament" isumaqarpoq "sumiiffik oqaloqatigiiffiusoq". Tamatumalu immi pingaarutilerujussuaq ersersippaa, tassalu Inatsisartuni qitiulluinnarmat imminut oqaluussinaneq isummanillu oqallisiginnissinneq. Pillit imaluunniit sunniuteqarnerpaanik kammalaatillit kisimik sunniuteqartussaangillat. Kikkut tamarmik assigiimmik periarfissaqartariaqarput amerlanerussuteqar-nissaminut.



Oqaloqatigiinnerit Inatsisartut ataatsimiittarfianni pisarput, ilaasortat tamarmik - partiimut sumut ilaasortaaneq apeqqutaatinnagu - peqataaffigisinnaasaannik.

Inatsisartut inatsisiliortoraavut. Inatsisitigut aalajangersarneqartarpoq inuiaqatigiit qanoq aqqissuussaassanersut. Inatsisitigut ilaatigut aalajangersarneqarsinnaavoq imeruersaatit qiimmassaatitallit inunnut 18-it inorlugit ukiulinnut suli tuninaqusaassanersut.



Inatsisartut inatsisissatut siunnersuummik suliarinnikkaangata siunnersuut Inatsisartut ataatsimiittarfianni pingasoriarlugu suliarineqartarpoq. Siullermeerinninnermi inatsisissatut siunnersuut naatsumik ilaasortanut innuttaasunullu saqqummiunneqartarpoq.


Taamaalilluni kikkut tamarmik sammisamik soqutiginnittut paasisavaat sapaatit akunnerini aggersuni inuit 18-it inorlugit ukiullit imerusaatinik qiimmassaatalinnik piseqqusaajunnaarsinneqarsinnaanerit Inatsisartuni oqallisigineqassasoq.

Inatsisissatulli siunnersuut Inatsisartut suliassaat taannaanaangilaq, piffissallu ingerlanerani sammisat assigiinngitsut amerlasuut ilaasortat ilisimasaqarfigilertariaqassavaat. Taamaammallu partiit ataasiakkaat sammisanut assigiinngitsunut oqaaseqartartussaminnik toqqaasarput, toqqagarlu taannaalartarpoq sammisamut pineqartumut partii sinnerlugu immikkut ilisimasalik.


## ATAATSIMIITTALEMI! ATAATSIMIINNERIT

Siunnersuutit assigiingitsut amerlasuut Inatsisartunit suliarineqartarput. Taamaammallu ilaasortat tamaqqinnaamik sammisanut tamanut immikkut ilisimasalinngorsinnaangillat. Tamannalu ima iluarsineqartarpoq, tassa ilaasortat ilaat ikitsut siunnersuutit pineqartunik sukumiinerusumik suliaqartarlutik.

Taamaaliornikkut siunissami inuusuttunut 18-it inorlugit ukiulunut imeruersaatit qimmassaatalinnik tunisisoqarsinnaajunnaarnera isumannaarneqassaaq.



## Ataatsimiititaliat



Ataatsimiititaliani partiinit Inatsisartuni sinniisuutitaqartunit ilaasortat suliassaqarfik aalajangersimasoq immikkut sammi-sarpaat. Ataatsimiititaliani naalackersuinikkut ajornartorsiut immikkut ilisimasaqarnek tunngavigalugu inunnit ikinnerusunit sukumiinerusumik oqallisigineqarsinnaavoq.

Inatsisartut suliassaqarfinnut assigiinngitsunut ataatsimiititaliaqarput. Imerusaatit qiimmassaatitalit inerteqqutigineqalernissaannik inatsisissatut siunnersuut Inatsisartuni oqaluserineqareeruni Ilaqutariinnermut Peqqissutsimullu Ataatsimiititaliamit suliarineqassaaq.

Ataatsimiititaliaq suliarinnereeruni Inatsisartunut tamarmiusunut inassuteqaatitalimmik isumaliutissiisuteqassaaq, inasutigalugu inatsisissatut siunnersuut akuerineqassanersoq, itigartinneqassanersoq pisariaqarpalluunniit allanngortinneqassanersoq.

# AAPPASSAANEERINNINNEQ PINGAJUSSAANEERINNINNERLU

Ataatsimiititaliaq isumaliutissiissuteqareerpat Inatsisartut inatsisissatut siunnersuut aappassaaneerlugu pingajussaaneerlugulu sularissavaat. Tamatumani Inatsisartunut Naalakkersuisunullu ilaasortat oqaaseqarsinnaapput.


Ataatsimiititaliap inassuteqaatai saqqummiunneqareerpata pineqartorlu pillugu isummersortoqareerpat siunnersuut pillugu ilaasortat taasisapput. Siunertamut tamatumunnga ilaasortat tamarmik namminerisaminnik allagartaqarput taasiner-ni ator-neqartartumik, issiaviisa saavanni nerrivimmi mangunneqartartumik. Taanna atorlugu taava "Isumaqaataallutik", "Akerliullulutik" "Taaseqataanatillunniit" toorlugit taasisinnaasarput. Taasinikkut amerlanerussuteqartut aalajangertarpaat susoqassanersoq.



Taamaalillutik Inatsisartut suliassaraat tunngaviussanik aalajangiisarnissaq – ass. aalajangersarlugu siunissami imeruersaatnik qiimmassaatitalinnik inuusuttunut tuniniaasoqaqqusiuinnaassa-soq. Inatsisartuni amerlanerussuteqartut inatsisissatut siunnersuutip akuerineqarnissaanut isumaqaataallutik taasisimappata taava inatsit timitalerneqartussanngusaaq. Taamaaliornikkut siunissami inuusuttunut 18-it inorlugit ukiulunnut imeruersaatnik qiimmassaatitalinnik tunisisoqarsinnaajunnaarnera isuman-naarneqassaaq.



# NAALAKKERSUISUT INATSIINIK TIMITALII-SUSSAAPPUT



Naalakkersuisut suliassaqarfii akisussaaffeqarfinnut assigiinngitsunut agguataarneqarsimapput. Peqqissutsimut tunngasutigut naalakkersuinikut ingerlatsinermut Peqqissutsimut Naalakkersuisoq akisussaa-suuvoq. Sulisuni peqatigalugit tassaapput "Peqqissutsimut Naalakkersuisoqarfik".




Peqqissutsimut Naalakkersuisup sulisuisalu maanna isumagissavaat qularnaassallugu nunatsinni tamarmi inuusuttunut imeruersaatiniq qiimmassaatitalinnik tuniniaasoqaqqinnginnissaa imeruersaatillu qiimmassaatitalit ussassaarutigineqarunnaarnissaat.



Inatsisunik unioqqutitsisoqartillugu pineqaatissiinerit eqqartuussivinnit aalajangerneqartarput. Eqqartussiviit Inatsisartut Naalakkersuisullu saniatigut "naalagaaffimmi pissaanerit pingajuattut" taaneqartarput.

Inatsisip nutaap ilisimaneqarnerulernissaa anguniarlugu naalakkersuisoqarfik assersuutigalugu paasisitniaanermik aalartitsisinnaavoq. Tamanna aamma akeqartarpoq, taamaattumillu peqatigitillugu inatsisip naammassineqarnissaanut Nunatta Kar-sianit aningaasanik immikkoortitsisoqartariaqarluni.

IMERUSAATIT QIMMASSAATITALLIT  
INERTEQQUTAANERAT PIMUSUNINGORPOQ



## NAALAKKERSUISUNIK NAKKUTILLINEQ



Inatsisartut aamma naalakkersuisunik nakkutillisuupput. Naalakkersuisunut ilaasortaq Inatsisartunut akisussaasuvoq.




Taamaattumik aamma Naalakkersuisoq peqqunqarsinnaavoq Inatsisartut aalajangernerisa timitalerniarneqarnerannik suliniar-



neq nassuiaateqarfigeqqullugu. Arlaatigut pissusissamisuunngitsumik ingerlasoqarpat Naalakkersuisoq aamma nassuiaateqartariaqassaaq.


Inatsisartunut ilaasortat naatsorsuutigivaat naalakkersuisoq Inatsisartut innersuussutaannut tunniusimalluni sulissasoq, taamatullu aamma suliassaqarfittut akisussaaffigisani tamakkii-sumik ilisimasaqarfigissagaa, soorlu matumani inuusuttunut 18-it inorlugit ukiulinnut imeruersaatinik qiimmassaatitalinnik tuniniaaneq pillugu. Taamaaliornikkut Inatsisartunut ilaasortat nakkutilliususaatitaanertik attatiinnassavaat qinersisartullu soqutigisaasa isumagineqarnissaat qularnaarlugu.

## INATSIT NUTAAQ PILLUGU INNUTTAASUT PAASISASSARSIORPUT




## TUSAGASSIORFIIT INISSISIMANERAT

Kalaallit Nunaanni innuttaasut paasisinnaaniassammasuk sooq Inatsisartunut ilaasortat inatsimmik akuersissuteqarsimanersut, inatsillu pineqartoq innuttaasut soqutigisaannik pisariaqartitaannillu qanoq naammassinninersoq, ilaasortat innuttaasunik paasisutissiisnaapput paasisutissanik siammertereriaatsit assigiinngitsut atorlugit.








Tamatuma saniatigut tusagassiorfiit namminerisaminnik Inatsisartut aalajangerneri qulaajarniarlugit apersuusiisarsinnaapput. Taamaaliornikkut innuttaasut isummersorsinnaapput qinikkamik sulinerat naammaginerlugu, tullianillu qinerseqqinnissami qineqqinniarnerlugit.




Taamaalilluni tusagassiorfiit taamatutaaq nakkutilliinissamik suliassaqarput pingaarutilimmik, taamaattumillu aamma taman-na tunngavigalugu tusagassiorfiit "naalagaaffimmi pissaanerit sisamaattut" taaneqartarlutik.

# INNUTTAASUT QISUARIAATAAT



# EQIKKAANEQ: INATSIARTUT NAALAKKERSUISULLU SULIASSAAT PINGAARNERIT



”Demokrati” isumaqarpoq ”innuttaasut aqutseqataanerat”. Tamannarpiarlu tassa Inatsisartuni pisarpoq. Inatsisartunut ilaasortat innuttaasunit qinikkat aalajangiisarput nunatsinnut tamarmut atuuttunik.

Inatsisartut taamaattumik pingaartunik pingasunik suliassaqrput:

- Inatsisit nunatsinni inooqatigiinnermut malittarisassaasut akuerisarpaat Naalakkersuisunulluunniit kaammattuuteqartarlutik pissutsit aalajangersimasut isumaginissaannut iliuseqaqqullugit.
- Siunertanut sunut Naalakkersuisut aningaasanik atuisinnaanersut aalajangertarpaat.
- Kiisalu Naalakkersuisut sulinerat nakkutigissallugu.


Akerlianik Naalakkersuisut suliassaraat inatsisit aalajangiinerillu Inatsisartuni akuersissutigineqarsimasut piviusunnngortissallugit.

Tamatuma saniatigut inatsisinik unioqqutitsinerit eqqartuussivinnit kinguneqartinneqarsinnaapput.


Tusagassiorfiit qulaani susassaqarfiit nakkutigisaraat innuttaasunullu nutaarsiassanik ingerlatitseqqiisarlutik taamalu nakkutiliinermik pingaarutilimmik aamma suliassaqarlutik.

Naalagaaffimmi pissaanerit taamatut agguataarsimaneratigut pissaanernik atornerluisinnaaneq annikillisinneqartarpoq, taamalu aamma aallaaviulluinnarluni innuttaasut oqartussaaqataanerata attatiinnarneqarsinnaaneranut.

## Namminersorlutik oqartussat



# MAANNA NALORSITSAARUTINNOVAQ MISILISSINNAAVATI!



Misilillugu apeqqutit  
uku akikkit:

## 1. Sooq innuttaasut sinniisuminnik Nuummukartitsisarpat?

- Innuttaasut oqartussaaqataaneranni silatunerpaat kisimik aalajangeeqataasinnaammata.
- Innuttaasut siamasippallaarmata kikkullu tamarmik aalajangiinerni tamani peqataasassagaluarpata tamanna piffissamik atuiffiuallaassammat.
- Nuummi pitsaanagerusumik eqqarsartoqarsinmammat.

## 2. Kikkut Inatsisartunut qinersisinnaatitaappat?

- Kalaallit Nunaanni inuit tamarmik.
- Kalaallit Nunaanni 18-ileereersimasut ukiullu affaa Kalaallit Nunatsinneereersimasut tamarmik.
- Kikkut tamarmik meeqqat atuarfiannik naammassinnissimatut.

## 3. Oqaaseq "demokrati" qanorpiaq isumaqarpa?

- Innuttaasut aqutsisumit ataatsimit naalakkersorneqarnerat.
- Innuttaasut oqartussaaqataanerat
- Kunngip kisermaassinera.

## 4. Kikkut Inatsisartunut qinigassanngortissinnaappat?

- Kalaallit Nunaanni innuttaasut naalakkersuinikkut suliniaqati-giiffimmut partiimut ilaasortat tamarmik.
- Kikkut tamarmik Ilisimatusarfimmi atuarsimasut sivikinnerpaamil-lu Kalaallit Nunaanni qaammatini arfinilinni najugaqarsimasut.
- Kalaallit Nunaanni innuttaasut tamarmik 18-inik ukioqalereersi-masut, sivikinnerpaamik qaammatini arfinilinni najugaqarsimasut kiisalu partii akuerisaasoq sinnerlugu, kisermaatut kattusseqate-qarluniluunniit qinigassanngortittut.



## 5. Inatsisartunut ilaasortat sumingaanneerpat?

- Nuummit.
- Kalaallit Nunaannit tamarmit.
- Kalaallit Nunaanni illoqarfinnit anginernit tallimanit.

## 6. Ukiut tamaasa Inatsisartunut ilaasortat qanoq akulikitsigisumik sivistutisumillu naapittarpat?

- Upernaakkut sapaatit akunnerisa arfinillit missaanni ukiakkullu qaammatit marluk missaanni.
- Ullut tamaasa, taamaattorli aasaanerani juullikkunnilu sulingiffeqarnerit ilanngunnagit.
- Ukiumut sapaatit akunnerisa sisamat missaanni.

## 7. Inatsisartuni ataatsimiinnerit kiap aquttarpai?

- Inatsisartut Siulittaasuata
- Naalakkersuisut Siulittaasuata
- Naalagaaffiup Sinniisaata

## 8. Periaaseq suna malillugu ilaasortat ataatsimiittarfimmi issiasarpat?

- Illoqarfiit angerlarsimaffigisatik malillugit  
– najukkaminut sinniisutut misigisimaneruniassammata.
- Arnaaneq angutaanerluunniit apeqqutaatillugit.
- Naalakkersuisut immikkut, ilaasortat sinneri partiimut sumut ilaasortaaneq apeqqutaatillugu.

## 9. “Parlament” qanorpiaq isumaqarpa?

- Sumiiffik oqaloqatigiiffiusoq.
- Kakkannerpaat.
- Inatsisiliortut.

## 10. “Inatsisartut” qanorpiaq isumaqarpa?

- Sumiiffik sivisuumik oqaluttarfik
- Kakkannerpaat.
- Inatsisiliortut.

### **11. Inatsit sunaana?**

- Peqqussut susinnaanitsinnik susinnaannginnitsinnillu aalajangersaaviusoq.
- Kalaallit Nunaata siunissaanut suup pitsaaneruneranik isuma.
- Peqqussut tamarmik isumaqatigiissutigisaat.

### **12. Ataatsimiititaliap ilaatigut suut suliassarivai?**

- Inatsisissatut siunnersuut tamatumalu kingunerisassai tunngavissaqarluartumik sukumiisumik oqallisigissallugit.
- Inatsisissatut siunnersuutit taasissutigisassallugit.
- Naalackersuisut kissaataat malissallugit.

### **13. Ilaasortat ataatsimiittarfimmi naapikkaangamik sumik suliassaqarpat?**

- Inatsit tunngaviusoq malillugu ataatsimiititaliaq inassuteqarnersoq nakkutigisallugu.
- Inatsisissatut aalajangiiffigisassatulluunniit siunnersuutit akueralugilluunniit itigartittassallugit.
- Inatsisit nutaat nipituumik atuartassallugit imarisaat innuttaasut tamarmik paasiniassamatigit.

### **14. Kikkut ataatsimiittarfimmi oqaaseqarsinnaappat?**

- Ilaasortat partiit oqaaseqartartuisut toqqarneqarsimasut kisimik.
- Naalackersuisunut ilaasortat kisimik.
- Inatsisartunut Naalackersuisunullu ilaasortat kisimik.

### **15. Ilaasortat tamarmik isumaqatigiinnissaat piumasaqaataava inatsit akuerineqarsinnaassappat?**

- Aap, Inatsisartunut ilaasortat tamarmik isumaqatigiissapput.
- Naamik, Inatsisartunut ilaasortanit amerlanerussuteqartunit akuerineqaruni naammappoq.
- Naamik, Inatsisartunut ilaasortat sisamararterutaasa siunnersuut tapersersorunikku naammappoq.

**16. Inatsisit akuerineqarsimasut kikkunnit timitalerneqassappat?**

- Naalackersuisunit.
- Ataatsimiititalianit.
- Inatsisartut Siulittaasuannit.

**17. Naalackersuisut immikkoortui ataasiakkaat suliassaqaqfinnut aalajangersimasunut akisussaasuusut qanoq taaneqartarpat?**

- Ataatsimiititaliat.
- Kommunit.
- Naalackersuisoqarfiit.

**18. Oqartussat suut “naalagaaffimmi pissaanerit pingajuattut” taaneqartarpat?**

- Tusagassiorfiit.
- Eqqartuussiviit.
- Danskit naalackersuisui.

**19. Kia kikkut nakkutigai?**

- Danskit naalackersuisuisa Naalackersuisut nakkutigaat.
- Inatsisartut Naalackersuisut nakkutigaat.
- Naalackersuisut Inatsisartut nakkutigaat.

**20. Naalackersuinermik suliaqarnermi tusagassiorfiit qanoq inissisimappat?**

- Tusagassiorfiit aqutigalugit qinikkat isummatik aalajangernitillu pillugit innuttaasut ilisimatittarpaat. Naalackersuinermik suliallit saqqummiussaannut tusagassiorfiit apeqqusersuisussaapput naalackersuinnikkut ingerlatsineq atuuttoq innuttaasut malinnaavigisinnaaniassammasuk.
- Tusagassiorfiit ilaasortat Naalackersuisullu aalajangernerinik ussaarisussaapput, inatsisit nutaat eqqumaffigineqarneruler-niassammata.
- Tusagassiorfiit suliassaraat innuttaasunit tapersersorneqarnissaq qularnaarniarlugu innuttaasut nuannarisaannik aalajangiisarnis-saannut naalackersuinermik suliallit ikiussallugit.

## 21. Tusagassiorfiit sooq aamma “naalagaaffimmi pissaanerit sisamaattut” taaneqartarpat?

- ❑ Innuttaasut tusagassiorfiit aqputigalugit naalackersuinnikkut ingerlatsineq atuuttoq malinnaavigalugulu nakkutigisinnaammasuk.
- ❑ Nukissaqarnerummata pitsaanerpaanillu attaveqarlutik.
- ❑ Inatsisartut Naalackersuisullu isumaannik oqariartortartuummata.

## 22. Inatsit isumaqatiginngikkukku qanoq iliorsinnaavunga?

- ❑ Susinnaanngilanga. Soriarsinnaanngilanga.
- ❑ Inatsit malinngikkaluarukku ajornaviannngilaq.
- ❑ Isummakka nukittorsarniarlugit isumaqatinnik suleqatissarsiorsinnaavunga imaluunniit Inatsisartunut ilaasortanut attaveqarsinnaallunga naalackersuinnikkut ingerlatsineq atuuttoq sunniuteqarfiginiarlugu.

## 23. Inatsisartut suliassaar pingaarnerit pingasut suuppat?

- ❑ 1. Partiit isummaminnik saqqummiussivissaqartissallugit, 2. Naalackersuinerimik suliallit allaffissaqartissallugit, 3. Tusagassiorfinnut ilanngussassanik soqutiginarunik piareersaasassallutik.
- ❑ 1. Inatsisiliortassallutik, 2. Namminersorlutik Oqartussat missingersuutaat aalajangersassallugit, 3. Naalackersuisut nakkutigissallugit.
- ❑ 1. Inatsisit saqqummiuttassallugit, 2. Inatsisit nakkutigissallugit, 3. Inatsisinik unioqqutitsisut pillartassallugit.


## 24. Inatsisartut Naalackersuisullu akornanni suliassat pissaanerillu agguataarneqarsimanerat sooruna taamak pingaaruteqartigisoq?

- ❑ Suliffeqarfiup ataatsip suut tamaasa aalajangertartuuppagit annilaangatigineqarsinnaammat innuttaasut soqutigisaannut akerliusumik nammineq iluaqutissarsinissaq anguniarlugu aalajangiisoqartarsinnaanera, naggataatigut innuttasut oqartussaaqartaanerata atorunnaarneranik kinguneqarsinnaasumik.
- ❑ Qinikkat taakkulu isumaat tamarmik isiginiarneqartariaqarmata.
- ❑ Inatsisissatut siunnersuuterpassuit ukiut tamaasa suliarineqartartut pitsaasumik sukumiisumillu suliarineqartarnissaat qularnaarneqartariaqarmat.

# NALORSITSAARUMMUT AKISSUTIT EQQORTUT



1. Innuttaasut siamasippallaarmata kikkullu tamarmik aalajanginerni tamani peqataasassagaluarpata tamanna pitfissamik atuffiualiaassamat.
2. Kalaallit Nunaani 18-ileereersimasut ukilullu affaa Kalaallit Nunatsinneerersimasut tamarmik. 3. Innuttaasut oqartussaaqataanerat. 4. Kalaallit Nunaani innuttaasut tamarmik 18-inik ukloqaleereersimasut, sivikinnerpaamik qaammagini arfinilinni najugaqarsimasut kiisalu partii akuerisaasooq sinerlugu, kisermaatut katussaqateqarluniuunnit qinigaasannortittut.
5. Kalaallit Nunaanit tamarmit. 6. Upernaakkut sapaatit akunnerisa arfinilimit missaanni ukiakkullu qaamatit marluk missaanni. 7. Inatsisartut Siulittaasuata 8. Naalakkersuisut immikkut, ilaasortat sinneri partiumut sumut ilaasortaaaneq apeqquataatillugu. 9. Sumiiffik oqaloqatigiffiusoq. 10. Inatsisiliorlut. 11. Peqqussut susinnaantisinik susinnaanginitsinillu aalajangerisaaviusoq. 12. Inatsisissatut sinnersuut tamatumalu kingunerisassat tunningavissaqarluartumik sukumiisumik oqallisigissallugit. 13. Inatsisissatut aalajanginiffiigissasatuluunnit sinnersuutit akueralugilluunnit itigartittas-sallugit. 14. Inatsisartunut Naalakkersuisunullu ilaasortat kisimik.
15. Naamik, inatsisartunut ilaasortant amerlanerussuteqartuntit akuerin-eqaruni naammappoq. 16. Naalakkersuisunit. 17. Naalakkersuisoqarfitt. 18. Eqqartuusivitt. 19. Inatsisartut Naalakkersuisut nakkutigaa.
20. Tusagassiorfitt apqutigalugit qinikkat isummatic aalajangernitillu pillugit innuttaasut ilisimatittarpaat. Naalakkersuinermik suliallit saqum-miussaannut tusagassiorfitt apeqquersuisussapput naalakkersuinikkut ingerlatsineq atuuttuq innuttaasut mallinnaavigisinnaaiaassamassuk.
21. Innuttaasut tusagassiorfitt apqutigalugit naalakkersuinikkut ingerlatsi-neq atuuttuq mallinnaavigalugulu nakkutigisinnaaamassuk. 22. Isummakka-nukittorsarniarlugeit isumagatinik sulleqatissarsorsorsinnaavunga imaluun-nit inatsisartunut ilaasortannut attaveqarsinnaallungu naalakkersuinikkut ingerlatsineq atuuttuq sunniuteqarfiginarlugu. 23. 1. Inatsisilior tassallugit, 2. Namminersorlutik Oqartussat missingersuutaat aalajangerassallugit, 3. Naalakkersuisut nakkutigissallugit. 24. Suliffeqarfii upataatsip suut ta-
- maasa aalajangertartuuppugeit annilaanageitineqarsinnaamaamat innuttaasut soqutigisaannut akertiluusumik nammineq iluqutissarsinsissaq anguniarlugu aalajanginissopartarsinnaanera, naggetaataatigut innuttaasut oqartussaaqa-taanerata atorunnaarneranik kinguneqarsinnaasumik.



## EQQARSAATIŌISASSAQ

Naqitaaqqami matumani imeruersaatinik qiimmassaatitalinnik inerteqquteqarsinnaaneq sammineqarpoq. Piviusulli silarsuaanni taakkuninnga inerteqquteqarniarneq akuerineqanngilaq, siunnersuutip Inatsisartuni aappassaaneernejarnerani siunnersuut amerlanerussuteqartunit tapersersorneqanngimmat.

Kisianni immaqa siunnersuut tullianik ataatsimiinnissamut, qinigaaffimiluunniit tullermi, saqqummiuteqqinneqassaaq.

Naalakkersuinermik suliaqarneq aamma taamaassinnaasarpoq. Ilaannikkut kissaatigisat ingerlaannaq piviusunngortinneqarsinnaasarput, ilaannikkut piffissaq sivisunerusinnaalluni, ilaatigullu immaqa timitalernejarsinnaasaratik.

Tamatumani qinikkat, qinersisartut naggataatigullu illit nammineq apeqqutaavusi.



## SUKUMIINERUSUNIK PAASISAQARUSUKKUIT

Inatsisartut Inatsisartunilu sulineq pillugu sukumiinerusumik paasisaqarusukkuit assigiinngitsunik periarfissaqarputit.

- Inatsisartunut pulaarsinnaavutit. Piffissani ataatsimiiffiunngitsuni angalaarunneqarnermut peqataasinnaavutit. Ataatsimiinnerit nalaanni ataatsimiittarfimmi oqallinnerit malinnaavigisinnaavatit. Januaarip naalernerani unnummi kulturisiorfimmi Inatsisartuni sulineq persuasiornanngitsumik paasisaqarfigisinnaavat. Meeqqat atuarfianni klassit qulingiluanni imaluunniit qulinganni atuartuuguit, ilinniarnertuunngorniaruit ilisimatusarfimmiluunniit atuaruit atuaqatitit ilagalugit isumaqatigiissuteqarlusi angalaarunneqarsinnaavusi peqataasussat ikinnerpaamik arfiniliuppata.
- Inatsisartut nittartagaat ina.gl iserfigisinnaavat. Tassani Inatsisartut, katersuunnerit ataatsimiititaliallu pillugit paasisutissat nassaarisinnaavatit.
- Inatsisartut Allattoqarfiannut saaffiginissinnaavutit paasisutissanillu piniarlutit.
- Ukioq ataaseq allortarlugu inuusuttut inatsisartuinik taallugu Inatsisartut Allattoqarfiat aqqissuussisarpoq, tassanilu innuttaasut oqartussaaqataanerat ulluinnarni qanoq ingerlanneqartarnersoq misigineqarsinnaalluni, peqataasussatut toqqarneqarsimagaanni.